

Ciudad pronto lo ta bunita y nada di caos

Unico caminda cu por para auto ta den parkeer vak y no areanan habri bao mata


ORANJESTAD(AAN): Ta permiti pa para solamente caminda ta marca segun Sanin Daou. Tur otro caminda cu no ta marca no mag di para auto. Ora implementa e ley mas streng lo bay over na takel e auto. A cuminsa cu accion di sticker pa avisa hende cu cierto area unda bo ta para ta prohibi. Bou mata of riba tereno priva ta prohibi pa para auto.

Kier pa ta hopi cla den e maneho cu no mag para auto unda no por. Tin un total di cuater auto cu a worde kita. Mester muestra cu tin cosnan cu no mag. Empleadonan ta haya sticker pa pega riba nan auto y esey ta indicacion cu bo mag di para den e area geel.

Den e zona bo mester bay y haya bo vak. Sanin Daou a splica cu e carchi cu nan tin ta generico y tur hende por yega y cumpra nan carchi. Bo mester paga cu placa net pasobra e machine no ta duná placa back.

Cu un carchi bo por pasa esaki y e machine ta kita net bo dos Florin.

Na AruParking e carchi aki por worde cumpra. Na diferente lugar a parti e carchinan aki. Bo ta cumpra e carchi pa 15 Florin y ta haya esaki cu 10 Florin riba dje.



Te awor aki no tin distincion y ta dos Florin pa ora pa tur hende sea normal of pensionado. Asina mes e comentario di pensionado ta keda positivo pasobra awor nan por haya un espacio pa para auto.

